



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

13. Eius effectus, & in pueris vtilitas.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

*Deuotionis
causa.*

Hæc autem prompta voluntas oritur, vt diximus, vt ex ardenti precationis studio, ex meditatione de Deo, beneficijs in nos collatis; quæ actiones sanctæ, deuotionis sunt causæ, & quia causæ, nomen etiam deuotionis illis sæpè attribuitur, vt nimirum quis deuotus dicatur, quando orat, meditaturque libenter, & feruidè. Quia etiam ex illa promptitudine voluntatis in Dei obsequium, & ex feruida oratione, & meditatione, sæpè emergit dulcedo quædam, quam degustat animus, cum desiderio incenditur benè viuendi, placèdi Deo, aggrediendi aliquod opus ad illius obsequium pertinens, fit vt ea dulcedo, vulgi vsu vocetur deuotio, cū non propriè sit deuotio, sed deuotionis effectus fructusque, quem cōmunicare subinde, & sæpè ijs solet Deus, qui expediti & prompti sunt ad illi obsequenda, & ex animo famulandum.

PARS XIII.

Pueris & adolescentibus maximè conuenit deuotio, & qui illius sint effectus.

DVPLEX consideratio maximè deuotionem procreat & accendit. Prior est, quòd Deus sit auctor, & parens vi-

ta

tæ nostræ; cui autem potius reddenda vita sit, quàm ei, qui eam dedit? Altera priore etiam grauior, quod ipse Deus sit finis, & vltimum, æternumque bonum nostrum, pro quo fine, & bono à nobis perduto restituendo, dedit nobis filium suum vnigenitum, qui pro nobis & sanguinem, & vitam suam exposuit, vt non dubitemus illi nostram deuouere, & pro eius gloria exponere. Hic ergo iam apparet, in quo perfecta cernatur deuotio, vt nimirum homo tanto amoris vicem rependat, atque illi vitam ac se totum, quantus quātus est, deuoueat, qui pro ipso se totum, vitamque suam antè tradidit & deuouit.

Hanc sui deuotionem tamen si omnis *Deuotio* sexus, omnis conditio, omnis ætas Deo *quare maxè* debeat, præcipuè tamen adolescentes *mè pueros,* bent. Non enim solum deuouenda est vita, *& adolescē* sed quam primùm etiam, & in ipsis initijs *tes deceat.* deuouenda. Ipse quidem Deus ita eam postulat, vt à quibusdam dicari sibi voluerit, antequam nascerentur, quod D. Ioāni Baptistæ, Hieremiæ, Samueli & alijs accidit. Ab alijs, ab ipsis incunabulis, quod D. Nicolao, & nōnullis cōtigit. Ab alijs ipsa pueritia, quod D. Thomæ Aquinati, B. Gregorio magno, S. Benedicto, Paulo primo Eremitæ, Ludouico regi, Dominico, Edmundo, Remigio, & sexcentis alijs contigit, qui
à prima

à prima pueritia pietatis studiosissimi, & planè dedicati Deo fuerunt. Isti sunt pueri & adolescentes à quibus Deus cor petit: isti sunt paruuli, quos vult ad se venire Christus, & à nemine prohiberi. Isti sunt pusilli, quibus scandalum à quoquam dari vetat.

Thren. 3.

Isti sunt, de quibus Propheta; Bonum est viro cum portauerit iugum Domini ab adolescentia sua. Quinimò eorum adolescentium multos sibi sacros in tenera sæpè ætate ab hoc mundo eripit, ne forte succedente ætate à Deo deficiant. Raptus enim est, ait de quodā Scriptura, ne malitia mutaret intellectum eius.

Deuotionis effectus.

Deuotionis autem huius effectus, sunt admirabilis erga Dei, B. Virg. & Sanctorum cultum affectus; diligens accuratumque audiendæ sæpè rei sacræ, & verbi Dei studium; diligens sui custodia; erga omnem virtutem studium ingens; mirifica erga res sacras propensio; in obeundis Sacramentis vigil semper, & excitatus animus; in oratione, reque omni ad Dei gloriam pertinente interior quidam sensus & affectio; singulare quoddam desiderium perfectionis suæ, promouendæque in se & proximis suis omnibus, religionis, pietatis, & amoris Dei; denique zelus ardens honoris Dei defendendi; & iuuandarum animarum;

in

in quibus omnibus & singulis exercitijs, vir deuotus eam subinde haurit voluptatem, vt æternam quasi felicitatem, cœliq; delicias prægustare videatur. Claudat hūc locum precatio suauissima, quam à Deo edocta sancta quædam virgo tradidit, ab quouis deuoto adolescente meritò quotidie vsurpanda.

Adoro te, sancta Trinitas Deus meus: *Precatio*
 gratias ago pro custodia, prouidentia, & *quotidie à*
 bonitate tua, & omnibus beneficijs tuis, *deuoto ado-*
 quibus cœlum, terram, maria, & omnia, *lescēte me-*
 quæ in eis sunt, in tempore, & in æternita- *ritò vsur-*
 te imples. Offero tibi animam meam cum *panda.*
 omnibus viribus suis; dignare hanc oblationem accipere Deus meus. Offero tibi cor meum in cor, & in amorem vnigeniti filij tui, vt tibi semper seruiat, te amet, te reucreatur. Offero tibi volūtatē meam; fac de me quod tibi placet: ne relinquo me Domine in me; sed assume me, vt sim totus in te. Laudo te, & gratias ago tibi pro infinitis beneficijs in me collatis, & in gratiarum actione rogo beatam Virginem Mariam, omnes spiritus cœlestes, omnes beatas animas, vt mecum tibi gratias agāt, suauissime Domine mi. Impetrēt mihi misericordiam tuam pro omnibus peccatis meis, & pro omnibus creaturis, quas ego tuę diuinę maiestati cōmendo, & à me ipso
 repu-

repudio, conformans me per omnia voluntati tuæ. Domine mi, tolle à me quicquid tibi displicet in me, & da mihi quicquid tibi placet: dirige & posside me secundum beneplacitum tuum, Amen.

PARS XIII.

Deliberatio de statu vitæ, quando & quomodo instituenda.

HI s quæ diximus de oratione vocali & mentali, & de deuotione, merito subiiciemus deliberationem status, in quo quisque reliquam vitam decurrere velit. Maximoperè enim conducit adolescentibus maturè, aut certè non nimium tardè constituere secum quo in genere ac statu velint totum vitæ tempus transigere, ac denique mortem Christianam obire. In primis igitur adolescens existimare debet, in hac electione, cardinem totius vitæ, atque omnium actionum, ipsiusque æternæ vitæ verti. Deinde verò persuadere sibi debet inquirendam, atque intelligendam Dei voluntatem, num in hoc, aut illo statu velit Deus salutis nostræ negotium nos agere. Perspicuum enim est non omnes à Deo ad vnum, idemque vitæ genus vocari. Terriò denique hæc deliberatio non leui & præpropere

*In delibera-
tione vitæ
cardo salu-
tis vertitur*